



Broj: 01-23-9-1046/16-3
Datum: 18.1.2017. godine

Na osnovu člana 69. stav 2. tačka a. i članom 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), načelnik Općine Travnik, **donosi**

RJEŠENJE **o poništenju postupka javne nabavke**

Član 1.

Poništava se postupak javne nabavke roba - „Nabavka, isporuka i ugradnja materijala za održavanje javne rasvjete na području općine Travnik za 2017. godinu“ iz razloga što je što ni jedna primljena ponuda nije prihvatljiva za ugovorni organ.

Član 2.

Za izvršenje ovog Rješenja zadužuje se Služba za zajedničke i komunalne poslove.

Član 4.

Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

Član 5.

Ovo Rješenje stupa na snagu danom donošenja.

Obrazloženje

Postupak javne nabavke radova – „Nabavka, isporuka i ugradnja materijala za održavanje javne rasvjete na području općine Travnik za 2017. godinu“, proveden je putem konkurentskog zahtjeva za dostavljanje ponuda broj: 01-23-9-1046/16 od 22.12.2016. godine.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-7-1-163-3-95/16 od 23.12.2016. godine.

Sa Informacionog sistema „E – nabavke“ Agencije za javne nabavke BiH tendersku dokumentaciju su preuzeli sljedeći ponuđači: „Infostrim“ d.o.o, „BBS Europe“ d.o.o., „Ekapija“ d.o.o., Elektrocentar „Petek“ d.o.o. Ivanić Grad, „Mig Elektro“ d.o.o. Mrkonjić Grad, „Elektroprizma“ d.o.o. Tešanj, „Luminos“ d.o.o., „Step“ d.d. Sarajevo, „Elektra“, „Alfa Elektro“ d.o.o. Doboj, „Mandera Company“ d.o.o. „Elka“, „Elko – Marić“ d.o.o. Mostar i „Esta“.

Poziv za preuzimanje tenderske dokumentacije upućen je sljedećim privrednim subjektima: SOR „Elka“ Travnik, „EMG Viting“ d.o.o Vitez i „Esta“ d.o.o. Busovača.

Rok za dostavljanje ponuda u skladu sa tenderskom dokumentacijom broj: 01-23-9-1046/16 od 22. 12. 2016. godine je bio 9.1.2017. godine
Javnom otvaranju ponuda nisu prisustvovali predstavnici privrednih subjekata. Zapisnik o otvaranju ponuda ponuđačima je prosljeđen putem fax-a dana 10.1.2017. godine.

Ponude su dostavili: SOR "Elka" Travnik, "Elko – Marić" d.o.o. Mostar i "Esta" d.o.o. Busovača.

Komisija za javnu nabavku imenovana je Rješenjem broj: 01-34-16-1031/16 od 16.12.2016. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje, pregled i ocjenu u roku dostavljenih ponuda i utvrdila da su ponuđači „Elka“ Travnik i „Esta“ d.o.o. Busovača cijenu svoje ponude iskazali u ukupnoj jediničnoj cijeni, a ponuđač „Elko Marić“ d.o.o. Mostar je ponudio ukupnu cijenu u skladu sa iskazanim okvirnim količinama navedenim u obrascu za cijenu ponude. S obzirom na navedeno, Komisija za javne nabavke u konkretnom slučaju nije mogla uporediti cijene ponuda ponuđača na način da osigura pravičnu i aktivnu konkurenciju. Uvidom u obrazac za cijenu ponuda, uočeno je da je isti sačinjen na način da su u obrascu iskazane okvirne količine, te kolone za „jediničnu cijenu bez PDV-a i „jediničnu cijenu sa PDV-om“ umjesto „cijena bez PDV-a“ i „ukupna cijena bez PDV-a“, po stavci, a PDV bi se posebno iskazao u koloni „iznos PDV-a“ na dnu obrasca.

Komisija za javne nabavke Općine Travnik, dostavila je dana 17.1.2017. godine općinskom načelniku Zapisnik o radu Komisije i ocjeni ponuda koji je ujedno i Izvještaj o radu Komisije broj: 01-23-9-1046/16-2, sa preporukom da se predmetna javna nabavka okonča poništenjem postupka.

Shodno navedenom Komisija za javnu nabavku je preporučila općinskom načelniku da se u javnoj nabavci roba „Nabavka, isporuka i ugradnja materijala za održavanje javne rasvjete na području općine Travnik za 2017. godinu“ donese Rješenje o poništenju postupka, u skladu sa članom 69. stav (2) tačka d) Zakona o javnim nabavkama BiH, a polazeći od činjenice da su svi ponuđači učesnici javne nabavke dostavili ponude na pogrešnom, neusklađenom obrascu za cijenu ponude/tehničkoj specifikaciji.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama Bosne i Hercegovine, načelnik Općine prihvatio je preporuku Komisije i odlučio kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđaču x 1
2. Arhiva.

NAČELNIK

Admir Hadžiemrić, dipl. ecc.